

Musæi Metallici Lib. IV.

655

Atur. Demum hoc lapide veluti, & Adamantc vitra finduntur. Quinimò Marcellus Palingenius assignat modum pingendi vasa, & vitra quodam vnguine, & hoc lapide, dum sic canit.

Infudi, ac totam phialam clavè renitentem

Vxxi, quo satèto, tentavi scalperexstrum

Cum duro lapide Smerilli nomine dicto.

Postremò ad fingendos typos, pro formandis numismatibus, Smyris valde probatur. Namque, ad mentem Yuecherij, recipiunt hunc lapidem, & optimè conterunt, igneq; candefacint, deinde humectant ad modum pastæ, & typos per spatum mulorum annorum duraturos formant. Quinimò si frangantur, rursus conterunt, & iterum finguntur, & meliores euadunt.

*Lib. 10. de
secr.*

D E S C H I S T O.

Cap. XXIV.

Æ Q V I V O C A.

HOC vocabulum (Schistus, seu σχίστος) præter lapidem, de quo hic sermo habetur, multa apud Plinium significat. Primò sribit, illud genus concreti Aluminis Græcis Schiston appellari, quod in capilla menta quadam dehiscit, id est q; Trichitum aliqui nuncuparunt, ut proprio loco explicauimus. Præterea addit lac quoddam nonnullis Medicis Schiston nuncupari, cuius serosa portio certo quodam modo segregata est à lacte. Galenus autem id damnat, inquiens non oportere sic appellare, sed in quo segregamus, & scindimus, serum à caseo, quod σχίστος Græcè dicitur. Rursum Plinius assertit oua tota lutea, hoc etiam nomine insigniri, quæ triduo incubatu toluntur. Causam huius nominis Hermolaus Barbarus arbitratur esse, quia vitellus qui ab alumine, vel candido diuidatur, & discedat. Sunt & Carbunculi, & gemmæ, quæ ex Græcia nascuntur, quarum aliæ pretiolæ sunt, aliæ viliores, ita cognominatae, ut Theophrastus, & Plinius reculerunt. Tandem σχίστος Græcis nomen est adiectiuum, exponiturq; fissus, scissus, vel fissilis, vel quod findi, & scindi potest.

SYNONIMA, ET ETYMVM.

HVNC lapidem, Serapionis Interpres, corrupto nomine, Sacharas indigitavit. Dioscorides λίθον σχίστον μαρόσον, & λιεκον πάθιδα. Item alibi apud Galenum, & Dioscoridem μαρόστον legi, Ioannes Gorreus testificatur. Orpheus tamen, in Argonautica, σχίστη in fæminino genere pronunciat, id est q; eius Interpres

D'Schistam vertit, quæ in Medæa sacrificio memorat, versibus græcis sic in latinū versis.

Sanguine miscebam chalcanthum & Struthion illo,

Et Schistam, Cnecum, deforme his pſyllion addo.

Cornelius Celsus, huncq; secuti alij Latini, scissum, & scissilem lapidem nominarunt. Plinius verò græcam Schisti appellationem, quemadmodum, & pleriq; Dioscoridis Interpretes feruarunt. Meruit igitur tale nomen hic lapis, non quod aut fissus, ut facile findi possit, sed quoniam quodammodo fissus esse videatur à verbo græco σχίζειν, quod findere, & scindere significat.



DE-

